



COMUNU DE CUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

UNU BRÌNCHIDU ME IN SA PIPIESA DE IS AJAJUS NOSTRUS CUN SA MUSTRA 'GIOGUS', ANCA EST S'EX CUNVENTU

Incarrerat su programa istitutzionali bòfìu da s'Aministratzioni comunali e cuncordau cun s'agiudu de is assòtzius culturalis localis po mèdiu de unu bandu pùblicu e unu cuncursu de ideas. At a essi incingiada cenàbara 3 de su mesi de Idas, a oras de is 17.00, anca est s'ex Cunventu de is Fradis Capucinus, sa segundu editzioni de sa mustra '*Giogus - Anche i nonni giocavano*'.

Sa parada, bòfia e cuncordada da s'Assòtziu culturali Fèminas, cun s'agiudu de s'Assòtziu Su Idanu e de su colletzionista Roberto Contu, permitit de fai unu brìnchidu in su passau e torrai a scoberri cuddus chi fiant is corredus e is giogus po sa pipiesa de is pipius de unu tempus.

S'at a podiri visitai me in sa Sala de is Tecas de su fàbricu stòricu de bia Brigata Sassari fintzas a s'8 de su mesi de Idas, da oras de is 16.30 a oras de is 20, mèrcuris 8 fintzas su mengianu intre is oras 10 e 12. Sàbudu 4 a oras de is 16.30 me in su chiostru est prevìdiu unu spetàculu de marionetas a incuru de Assòtziu Teatro Tages; domìnicu invècias a oras de is 17.00 nc'at a essi unu cuntzertu a incuru de su coru giovanili **Clara Voce**. S'intrada est a indonu, ma depeis amostai su Green Pass.